

ZAPISNIK

Sa V proširene sjednice Upravnog odbora Udruženja poslodavaca FBiH, održane dana 17.09.2012.godine sa počtkom u 12:00 sati u prostorijama Bihačke pivovare d.d. (Vinička bb) u Bihaću.

Sjednici su prisustvovali: gđin. Stipe Prlić, gđin. Safudin Čengić, g-din. Predrag Čović, gđin. Rasim Salčinović, gđin. Vejsil Huremović, gđin. Esnef Memić (zamjena za gđin. Hamed Šivšić), gđin. Emir Čengić (zamjena za gđin. Midhat Terzić) i gđin Mehmedalija Zagorica (zamjena gđin. Haris Kuskunović).

Sjednici nisu prisustvovali: gđin. Anto Suton, gđin. Haris Muslić, gđin. Suhad Ećo, gđin. Šaban Rizvić, gđin. Miljenko Čolak, gđa. Edita Mulić i gđin. Josip Vukadin, koji su opravdali svoj izostanak.

Sjednici su prisustvovali članovi delegacije ESV-a koji nisu članovi UO, te članice UPFBiH sa područja USK kao i kompanije koje nisu članice UPFBiH. Sjednici je također prisustvovao i predstavnik Ministarstva za privredu USK.

Sjednici su prisustvovali po dužnosti: gđin. Mladen Pandurević i Mersiha Jusić.

Uvodnu riječ dobrodošlice članovima Upravnog odbora uputio je predsjednik U.O. gđin. Sefudin Čengić i predložio sljedeći:

DNEVNI RED

1. Usvajanje zapisnika sa IV sjednice Upravnog odbora UPFBiH;
2. Razmatranje materijala za nastavak vanredne 89-13 i redovne 90-14 sjednice ESV-a;
 - a) Rebalans Budžeta Vlade Federacije BiH;
 - b) Zakon o izvršenju Budžeta Vlade Federacije BiH;
 - c) Nacrt zakona o izmirenju obaveza Federacije BiH prema Federalnom zavodu za penzijsko i invalidsko osiguranje i usvajanje zaključka.
 - d) Inicijativa Udruženja poslodavaca u FBiH za izmjene i dopune Zakona o doprinosima;
 - e) Zakon o privrednim komorama Federacije BiH;
 - f) Analiza stanja robnih rezervi u Federaciji BiH;
 - g) Nacrt zakona o zaštiti jemaca u Federaciji BiH;
3. Informacija sa sjednice Upravnog odbora Grupacije poslodavaca ZE-DO Kantona;
4. Saradnja sa Udruženjem poslodavaca Unsko-sanskog Kantona;
5. Tekuća pitanja

Dnevni red je usvojen u potpunosti

RASPRAVLJANJE PO TAČKAMA DNEVNOG REDA:

Tačka 1 : Usvajanje zapisnika sa IV sjednice Upravnog odbora

Predsjednik UO je upoznao prisutne sa zapisnikom i otvorio raspravu.

ZAKLJUČAK: Obzirom da nije bilo primjedbi zapisnik je jednoglasno usvojen.

Tačka 2: Razmatranje materijala za nastavak vanredne 89-13 i redovne 90-14 sjednice ESV-a;

- a) Rebalans Budžeta Vlade Federacije BiH ;
- b) Zakon o izvršenju Budžeta Vlade Federacije BiH;
- c) Nacrt zakona o izmirenju obaveza Federacije BiH prema Federalnom zavodu za penzijsko i invalidsko osiguranje i usvajanje zaključka.
- d) Inicijativa Udruženja poslodavaca u FBiH za izmjene i dopune Zakona o doprinosima;
- e) Zakon o privrednim komorama Federacije BiH;
- f) Analiza stanja robnih rezervi u Federaciji BiH;
- g) Nacrt zakona o zaštiti jemaca u Federaciji BiH;

Predsjednik je upoznao prisutne sa tačkama dnevnog reda i otvorio diskusiju za tačke dnevnog reda. U veoma otvorenoj i konstruktivnoj raspravi po svim tačkama dnevnog reda su učestvovali svi prisutni.

S obzirom na to da su finansije presudan faktor u svim oblastima, UO je najviše pažnje posvetio Rebalansu federalnog budžeta. Iako podržavaju napore Vlade da ispuni zahtjeve MMF-a poslodavci smatraju da umanjenje sredstava za poljoprivrednike u iznosu od 10.000.000 KM nije korektno i da to neće podržati ni na sjednici ESV-a.

Vezano za inicijativu Udruženja poslodavaca za izmjene i dopune Zakon o doprinosima UO je upoznao sve prisutne da je inicijativa UPFBiH u smislu izmjene i dopune člana 7. Zakona o doprinosima upućena na sjednicu ESV-a i Ministarstvu finansija te da je Ministarstvo finansija dalo podršku Inicijativi.

UPFBiH smatra da bi izmjene navedenog člana značajno doprinijele zapošljavanju velikog broja ljudi na privremenom radu u inostranstvu, naročito u zemljama u regionu. Ovakav način rasterećenja privrede je u interesu svih subjekata jer bi poslodavci mogli uposliti veći broj ljudi i ugovarati poslove, time bi se povećao veći broj obveznika doprinosa i država bi imala veći priliv iz inostranstva, a najvažnije je da bi veliki broj ljudi bio zaposlen i imao stalni izvor prihoda.

Ovu inicijativu Udruženje poslodavaca u FBiH već nekoliko godina pokušava nametnuti kao logičnu i pozitivnu mjeru rasterećenja privrede, međutim nailazilo je na nerazumjevanje od strane nadležnih

institucija. Procjene su, da preko domaćih firmi, nekoliko hiljada radnika radi na poslovima u inostranstvu. Međutim jedan dobar dio tih firmi, u zadnje vrijeme, zbog postojeće zakonske odredbe, odbija ponuđene poslove, naročito u Hrvatskoj, Crnoj gori i Kosovu, jer iz ponuđene cijene nisu u stanju finasirati troškove radne snage.

Vezano za Zakon o privrednim komorama UO je donio stav da će podržavati Odluku UO i većine članica UPFBiH da je protiv obveznog članstva u komorama. Udruženje je također uputilo amandmane na Zakon o privrednim komorama a koji se odnose na visinu članarine koja, ukoliko bude obavezna, da se visina članarine komore određuje Statutom, na način da prosječan godišnji iznos članarine po članu ne može biti veći od 400 KM.

Dalje poslodavci su dali primjedbu na organizaciju komore i smatraju da treba da postoji samo PK FBiH. Prema Ustavu FBiH privreda odnosno ekonomska politika je u nadležnost Federacije a ne kantona. Zbog toga je potpuno neosnovano predvidjeti zakonom postojanje jedne federalne i 10 kantonalnih komora, pogotovo zato što se radi o 11 potpuno nezavisnih pravnih lica, za koja zakonom nisu predviđeni nikakvi realni mehanizmi koordinacije.

Najmanje 4 postojeće kantonalne privredne komore ili ne mogu ostvariti egzistencijalnu i funkcionalnu nezavisnost. Radi se o KPK u Goraždu, Orašju, Grudama i Livnu. Ostalih 6 KPK su na garnici egzistencijalnog minimuma.

Poslodavci nisu spremni da plaćaju neracionalne troškove komorskog sistema, koji se u prvom redu odnose na finasiranje neracionalne komorske strukture. Svaka od komora ima predsjednika (jedna direktora) a FPK i 2 predsjednika, generalne sekretare, upravni odbor i nadzorni odbor, skupštinu itd. Samo njihovi troškovi na godišnjem nivou iznose blizu 1,5 miliona KM.

U takvoj situaciji postojanje komora svelo se na pokrivanje troškova njihove vlastite infrastrukture, a da pri tome ni jedna od njih nije osposobljena da pruža adekvatne usluge svom članstvu, odnosno privredi.

U cilju efikasnosti i ekonomičnosti rada PK, u predloženom tekstu u članu 5. Predviđeno je da komora može otvarati svoje organizacione centre, tako da, ukoliko postoji potreba za tim, kantonalni centri mogu imati urede i slično PKF.

Upravni odbor je na kraju zaključio da je UPFBiH za postojanje komore ali da se komorski sistem mora u potpunosti reorganizirati.

Vezano za Analizu stanja robnih rezervi gđin Pandureviće je istakao da je i ova inicijativa pokrenuta od strane poslodavaca. UPFBiH je pokrenulo ovo pitanje jer je vidjelo da će doći do enormnog povećanja cijena nakon zime i sušnog ljeta. UPFBiH je otvorilo ovo pitanje i do sada je dobilo odgovore i izvještaje koji su katastrofalni npr. 22

tone pšenice su u robnoj rezervi. Naš je cilj da neko mora reći koliko je to robnih rezervi. Moramo imati neke stvari koje će olakšati život. UPFBiH traži da se robne rezerve skladište kao u svakoj normalnoj državi što kod nas nije slučaj.

Gdin. Pandurević je istakao da je svaka sugestija od strane članova UO dobro došla.

Vezano za Zakon o zaštiti jemaca gdn pandurević je obavijestio da je to inicijativa UBBiH koju je podržalo UPFBiH s ciljem da UBBiH učlanimo u UPFBiH.

Mi nećemo sad zasad ulaziti u problematiku novog Zakona već smo im samo dali mogućnost da mogu učestvovati u ESV-u vezano za tu temu.

ZAKLJUČCI ZA SJEDNICU ESV-a:

Vezano za tačke a) i b) UO istakao da podržava napore Vlade da ispuni zahtjeve MMF-a ali također smatra da umanjene sredstava za poljoprivrednike u iznosu od 10.000.000 KM nije korektno i da to neće podržati ni na sjednici ESV-a.

Vezano za inicijativu Udruženja poslodavaca za izmjene i dopune Zakon o doprinosima UO je zaključio da će i dalje insistirati na inicijativi te da će prihvatiti prijedlog Ministarstva finansija FBiH.

Vezano za Zakon o privrednoj komori Upravni odbor je zaključio da je UPFBiH za postojanje komore ali da se komorski sistem mora u potpunosti reorganizirati. Također je zaključeno da će UO na sutrašnjoj sjednici ESV-a insistirati da se Vlada pridržava stavova UPFBiH te da se uvažavaju amandmani UPFBiH na Zakon o PK.

Vezano za Analizu stanja robnih rezervi delegacija ESV-a će i dalje insistirati na odgovorima i tražit će da se robne rezerve skladište kao u svakoj normalnoj državi što kod nas nije slučaj.

Vezano za Zakon o zaštiti jemaca delegacija ESV-a će podržati inicijativu UBBiH.

Tačka 3. Informacija sa sjednice Upravnog odbora Grupacije poslodavaca ZE-DO Kantona;

Vezano za ovu za ovu tačku dnevnog reda gdn. Salčinović je upoznao prisutne sa zaključcima sjednice UO ZE-DO kantona.

Između ostalog kao što je Informacija o podsticajima i subvencijama za proizvođače, hotelijere, turističke agencije, obrtnike i inovatore poticaj privrednicima i dr. na sjednici Upravnog odbora Grupacije poslodavaca Zeničko-dobojskog kantona pokrenuta je inicijativa da Udruženje poslodavaca Federacije BiH upozori federalnu inspekciju da putem kontrole utvrdi da li veliki trgovački i snabdjevački centri poštuju obavezu sporazuma da u svom asortimanu imaju 50 odsto domaće proizvodnje. Privrednici traže da nadležni organi podnesu i informaciju o efektima uvođenja fiskalizacije tim prije što se govori da je ovaj proces donio više štete nego koristi. Privrednici su se

danas složili da bi trebalo pojačati aktivnost na omasovljavanju članstva u Grupaciji poslodavaca Zeničko-dobojskog kantona kako bi se stvorila jedna snažna nevladina organizacija privrednika koja bi mogla da postane snažan partner aktuelnoj vlasti u Zeničko-dobojskom kantonu.

Zaključak: Zaključeno je da će UO podržati zahtjeve poslodavaca ZE-DO kantona.

Tačka 4. Saradnja sa Udruženjem poslodavaca Unsko-sanskog Kantona;

UO je na proširenoj sjednici konstatovao da će jačati saradnju sa Udruženje poslodavaca Unsko-sanskog kantona jer samo udruženi poslodavci mogu ostvariti svoje zajedničke ciljeve.

Tačka 5. Tekuća pitanja;

Pod tekući pitanjima se razgovaralo o Zakonu o državnim službenicima ističući da je jako bitno da se preko UPFBiH iniciraju izmjene i dopune ovog Zakona. Zaim mora se pokreuti pitanje izmjena i dopina Općeg kolektivnog ugovora. Dalje predloženo je da se pokrene inicijativa za uvođenje nulte stope PDV-a. Prijedlog da se uvede prerez na porez. U Hrvatskoj je 40% prerez. Ovoj državi trebaju malo jače reforme a te reforme treba pokrenuti Udruženje poslodavaca u FBiH.

Zaključak: Vezano za ovu tačku dnevnog reda i prijedloge za inicijative gđin. Čengiđ je zamolio sve prisutne da dostave svoje prijedloge Udruženju poslodavaca FBiH i ti prijedlozi će biti na Udruženju i ESV-u i UPFBiH će se boriti za realne inicijative i prijedloge.

Na kraju sjednice UO predstavnik Ministarstva privrede USK gđin. Kemal Hamedović je pozdravio skup ističući da ga kao čovjeka i dugogodišnjeg privrednika ohrabruju stavovi UPFBiH te pristup rješavanju problema. Ono što ga ohrabruje je način djelovanja UPFBiH, bilo putem ESV-a, bilo putem komisija i domova. Također je istakao da treba vremena da neke stvari u našem društvu dobiju na značaju i budu postavljene tamo gdje im je mjesto, a bez borbe poslodavaca ne bi bile tamo gdje jesu. Pozdravio je još jednom skup i istakao da je ovo zdravo gledanje rješenja problema.

Sjednica je završena u 15:30časova.

Zapisnik sačinila:
Mersiha Jusić

Predsjednik UO UPFBiH
Safudin Čengiđ